



Broj: 07-05-sl/18
Sarajevo, 17.04.2018. godine

SKUPŠTINA KANTONA SARAJEVO
Služba za skupštinske poslove
- OVDJE -

Predmet: Odgovor na zastupničko pitanje

Dopisom Predsjedateljice Skupštine Kantona Sarajevo, broj: 01-05-9200/18 od 06.03.2018. godine, Vladi Kantona Sarajevo i Ministarstvu komunalne privrede i infrastrukture je upućeno zastupničko pitanje koje je zastupnica **Selma Filipović** postavila na 38. Radnoj sjednici Skupštine Kantona Sarajevo, održanoj dana, 05.03.2018. godine, u okviru tačke Dnevnog reda "Poslanička pitanja, inicijative i odgovori".

Dopisom Ministarstva komunalne privrede i infrastrukture broj: 27-05-9200 od 05.03.2018. godine, ovom ministarstvu je proslijeđeno zastupničko pitanje zastupnice u Skupštini Kantona Sarajevo g-đe Selme Filipović koje se odnosi na azil u Prači, na "nadležno postupanje".

Zastupničko pitanje glasi:

"Ovim putem želim podsjetiti Skupštinu Kantona Sarajevo, da smo tokom prošle godine radili puno na problemu pasa lotalica u Kantonu Sarajevo. Kao rezultat te borbe, Vlada i Skupština Kantona Sarajevo, razmatrale su i u konačnici odobrile kupovinu azila u Prači.

Molim Vladu Kantona Sarajevo koja je preuzela upravljanje nad azilom u Prači da mi u pisanoj formi odgovori koje je mjere i aktivnosti Vlada Kantona Sarajevo kao novi vlasnik azila u Prači poduzela do danas u cilju osiguranja punog funkcionisanja azila u skladu sa Zakonom o zaštiti životinja i podzakonskih akata iz te oblasti. Odnosno kakvo je stanje životinja u azilu u Prači, da li su osigurane sve mjere i aktivnosti koje Zakon zahtjeva ili se samo promijenio vlasnik.

Pitanje Vladi Kantona Sarajevo i resornom ministarstvu je šta se trenutno dešava sa ovim projektom, da li su pokrenute ikakve aktivnosti na uređenju azila i privođenju krajnjoj namjeni? Da li je osigurana neophodna dokumentacija od nadležnih službi u BPK?

Da li azil uopšte radi, ko njime upravlja i koliko je trenutno pasa u azili?"



web: <http://mp.ks.gov.ba>
e-mail: mp@mp.ks.gov.ba;
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Odgovor Ministarstva privrede glasi:

Na sjednici održanoj dana 20.12.2017. godine, Skupština Kantona Sarajevo je donijela Odluku o davanju saglasnosti za potpisivanje ugovora o kupoprodaji nekretnine Azila za napuštene životinje u Prači, u cilju trajnog rješavanja i zbrinjavanja napuštenih životinja i životinja bez nadzora vlasnika sa područja Kantona Sarajevo, broj 01-05-36600/17 od 20.12.2017. godine. Navedenom odlukom je Ministarstvu komunalne privrede i infrastrukture i Ministarstvu privrede data saglasnost za kupovinu nekretnine u Prači u Bosansko – podrinjskom Kantonu.

Na osnovu donesene Odluke ova dva ministarstva su dana 26.12.2017. godine sklopila Ugovor o kupoprodaji nekretnina sa prodavcem „Murai Komerc” d.o.o. Vogošća. Razlozi zbog kojih je Kanton Sarajevo donio Odluku o kupovini nekretnine u Prači su u namjeri da se nastavi djelatnost kojom se bavio prodavac a to je sklonište za izgubljene i napuštene životinje.

U cilju bržeg postupka preuzimanja azila u Prači Vlada Kantona Sarajevo je Zaključkom broj: 02-05-1915-20/18 od 26.01.2018. godine naredila sljedeće aktivnosti:

1. Zadužuje se Ministarstvo privrede Kantona Sarajevo, da preduzme sve radnje vezane za upis u zemljišne knjige Kantona Sarajevo kod Općinskog suda u Goraždu kao vlasnika nekretnine u Prači a na osnovu Ugovora o kupoprodaji nekretnina broj: OPU-IP: 981/17 od 26.12.2017. godine.
2. Zadužuje se Ministarstvo privrede Kantona Sarajevo da formira Komisiju koju će činiti predstavnici ovog ministarstva, Ministarstva komunalne privrede i infrastrukture Kantona Sarajevo i KJP “Veterinarska stanica” d.o.o. Sarajevo. Zadatak imenovane Komisije je uvođenje u posjed KJP “Veterinarska stanica” d.o.o. Sarajevo.
3. Zadužuje se Ministarstvom privrede da u saradnji sa KJP “Veterinarska stanica” d.o.o. Sarajevo pripremi Odluku o usklađivanju statusa javnog preduzeća sa Zakonom o privrednim društvima (“Službene novine FBiH”, br. 81/15) i Odluku o osnivanju Podružnice te iste dostavi Vladi i Skupštini Kantona Sarajevo.
4. Ovlašćuje se Ministar privrede Kantona Sarajevo da potpiše sporazum sa KJP “Veterinarska stanica” d.o.o. Sarajevo o izradi studije izvodljivosti privođenja konačnoj namjeni nekretnine u Prači.

Ministarstvo privrede je završilo sve aktivnosti oko upisa u zemljišne knjige tako da je Kanton Sarajevo postao vlasnik sa udjelom 1/1.

Ministarstvo privrede je imenovalo Komisiju za preuzimanje nekretnine u Prači i uvođenja u posjed KJP „Veterinarska stanica” d.o.o. Sarajevo. Komisija je dana 23.03.2018. godine izašla ne lice mjesta u cilju preuzimanja azila u Prači ali primopredaja nije izvršena iz razloga što „Murai Komerc” d.o.o. Vogošća nije ispoštovao obaveze definisane Ugovorom o kupoprodaji nekretnina. Sljedeći izlazak Komisije se očekuje ubrzo.

Ministarstvo privrede je u saradnji sa KJP “Veterinarska stanica” d.o.o. Sarajevo pripremio Odluku o usklađivanju statusa javnog preduzeća sa Zakonom o privrednim društvima (“Službene novine FBiH”, br. 81/15) i Odluku o osnivanju Podružnice te će iste biti dostavljene Vladi i Skupštini Kantona Sarajevo na usvajanje. Navedene Odluke su u fazi usvajanja od strane Nadzornog odbora i Skupštine preduzeća nakon čega će putem Ministarstva privrede biti upućeni Vladi Kantona Sarajevo i Skupštini Kantona Sarajevo na usvajanje.

Ministar privrede Kantona Sarajevo je potpisao Sporazum sa KJP “Veterinarska stanica” d.o.o. Sarajevo o izradi studije izvodljivosti privođenja konačnoj namjeni nekretnine u Prači. KJP “Veterinarska stanica” d.o.o. Sarajevo je raspisalo javni poziv o izboru najpovoljnijeg ponuđača za izradu studije izvodljivosti. Aktivnosti su u toku.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Studija izvodljivosti će odrediti dalje aktivnosti kroz više aspekata.

Tehničko-tehnološka izvodljivost, koja će ponuditi željene rezultate u okviru budžeta i za odgovarajuće vrijeme.

Ekonomska izvodljivost pruža jasnu sliku o tome koliko rješenje (ili više potencijalnih rješenja) košta. Neophodno je da investicija bude u skladu s mogućnostima investitora, ali i da prednosti investicije zadovoljavaju ciljeve.

Organizaciona izvodljivost odnosi se na sagledavanje projekta sa aspekta kadrova neophodnih za njegovu realizaciju.

Organizacija poslova u azilu u Prači do primopredaje je u nadležnosti „Murai Komerc” d.o.o. Vogošća, koji ne vrši prijem novih pasa, a nakon primopredaje KJP „Veterinarska stanica” d.o.o. Sarajevo će organizovati rad u skladu sa kapacitetima. Trenutno je u azilu Prača cca. 70 pasa.



MINISTAR

Dr. Muharem Šabić

Dostavljeno:

1. Naslovu
2. Evidencija
3. a/a



web: <http://mp.ks.gov.ba>

e-mail: mp@mp.ks.gov.ba;

Tel: + 387 (0) 33 562-121, + 387 (0) 33 562-122

Fax: + 387 (0) 33 562-226

Sarajevo, Reisa Džemaludina Čauševića 1

